

363

ВАСИЛИЙ ВЛАСОВ



Югыс  
түүн




ВАСИЛИЙ ВЛАСОВ



Югыд  
тэтиул

КОМИ КНИЖНОЙ ИЗДАТЕЛЬСТВО

Сыктывкар 1958



## ЛЕНИН ЙЫЛЫСЬ

Ичӧт на ме вӧлі  
Сэк, кор Ленин куліс.  
Йӧзкӧд ӧттшӧтш бӧрді...  
Мамӧй меным шуліс:  
«Бӧрдышт, пиӧй, бӧрдышт,  
Тайӧ лун эн вунӧд.  
Мортыд абу кӧртысь,  
Сьӧлӧм абу сямӧд.  
Батьӧн вӧлі сійӧ  
Миянкодъ гӧль йӧзлы.  
Югыд гажа биӧн  
Сьлӧн олӧм ӧзйис.  
Аттьӧ ставӧн шуам  
Ставсьыс талун сылы.  
Сьӧлӧм пиын нуам  
Пемыд шогсӧ тырыс.  
Аддзывны — эг аддзыв,  
Сӧрнитны — эг сӧрнит.  
Ӧдйӧ олӧм гартчӧ;  
Ӧні, пиӧй, сӧр нин...  
Сӧмын, век жӧ, вӧлі  
Медся матыс мортӧн.  
Менсьым олӧм тӧдіс,  
Шуд мен вайис гортӧдз.  
Кӧть и море ылын,  
Кӧть оз тыдав тасянь,—

Кылө лов шы сылөн,  
Кымөр вайё васө.  
Он кө, пиёй, вунөд,  
Кутшөм вөлі Ленин,—  
Кытчө көть тэ мунан,  
Сьёкыдлунсө венан.  
Он ло бызгысь-больгысь,  
Он ло йөзлы уджа.  
Шудсө аслад ёртлысь  
Дорйыны тэ кужан».

---

Визувтөны юяс,  
Визувтөны шоръяс...  
Прөйдитөны лунъяс,  
Прөйдитөны вояс...  
Дерт, эз вунлы Ленин...  
Югыз образ сылөн  
Сьёлөм пиын менам  
Өнөдз олө-вылө.

---

Батьөн вөлі Ленин...  
И странаын миян  
Уджалөны өні  
Сылөн нывъяс-пиян.  
Ныв-пи сы ног олө,  
Ныв-пи сы ног вөчө;  
Оз төд уджысь полөм,  
Оз төд шоглы сетчөм;  
Ыджыд морт, көть ичөт,—  
Отув олө йөзкөд,  
Жеблы кисө мыччө,  
Олөм туйыс веськыд:

Медым чужанмуным  
Шонді моз жö öзъяс,  
Коммунизмö мунöм  
Нöшта ёнджык öддзас.  
Ленинöс моз батьöн  
Сэтшöм мортöс шуам,  
Коді йöзлы счастье  
Сьöлöм пиас нуö.  
Ветлö кö директор  
Уджалысь йöз дорö,  
Подхалимöс йötкö,  
Честнöй мортöс корö,  
Пöрысьлы и томлы  
Колан сёрни аддзö;  
Петкöдлö, кыз овны,—  
Сылы мисянь аттьö!  
Тырыс йöз райкомын,  
Могөн локтö быдөн;  
Тані абу томан  
Асылын ни рытын.  
Секретарь оз вунöд,  
Коді, кызди олö;  
То колхозö мунö,  
То заводö волö...  
Быд морт тöдса сылы,  
Быд морт сійöс тöдö;  
Кызди батьянь пилы,  
Сысянь отсöг шедö.  
Морт министрöдз воö,  
Но оз лэпты нырсö:  
Плötниккöд тшötш сейö  
Да печниккöд пывсьö;  
Сьökыдысь оз сайлась,  
Орччөн йöзкöд мунö,  
Ачыс ветлö няньла...

Ленинӧс оз вунӧд.  
Батьлы моз жӧ сылы  
Уваженье мисянь,  
Эскӧмлун оз чинлы:  
Йӧзлы шудыс сысянь.

---

Овлӧ на и тадзи:  
Мортыс, бытьӧ, синтӧм,  
Некодӧс оз аддзы,  
Ловнас йӧзӧс кынтӧ,—  
Весиг боксянь яндзим.  
Тӧдӧ сӧмын асьсӧ,  
Гӧтырсӧ да писӧ:  
Дасьтӧ ӧтка счастье,  
Дзебӧ вына кисӧ.  
Сылӧн кабинетас  
Ленинлӧн портретыс,  
Партбилет эм зептас...  
Сӧмын, мый нӧ сӧтысь,  
Куш кӧ сьӧлӧм бердыс!  
Татшӧм мортлы тшӧктам  
Асьсӧ дзикӧдз вежны,  
Мед не кольны ӧткӧн,  
Ертӧн лоны йӧзлы.  
Ленин йылысь сӧрни  
Талун пані сійӧн —  
Мед ми кужим лоны  
Сылӧн нылӧн-пиӧн.

---

## ВЕЖ ЮРСИА НЫВКА

(поэма)

Веж юрсиа нывка —  
Еджыд чужомбан!  
Ветлө, юсь кыз кывтө,  
Пызан костод тан.  
Нюмъялөны синъяс,  
Варовитө вом.  
Код дорө оз шыась,  
Быд морт лоө том.  
«Чолөм, — шуи сылы, —  
Чолөм, мича ныв!»  
«Чолөм...»

Сьөлөм сыліс,  
Воши менам кыв.  
«Мый нө тэныд колө,  
Кутшөм сёянтор?»  
Ог төд мый и кори.  
Сейсис.

Вөлі сёр.  
Сейөм дон көть мынти,  
Мунны вөлі дыш.  
Бытьё кокөс кынтис,  
Бытьё висьмис мыш.  
Дыр-ө нөшта олі,

Бура ог нин төд.  
Дзик тай өтнам коли.  
Гортө ме эг мөд.  
Ывла вылын ветлі,  
Колли пемыд вой.  
Сөмын шонді петіг  
Лөнис сьөлөм дой.

---

«Сёрни панны кужин —  
Эн на нылөс вен».  
Уна өбед, ужын  
Лои сёйны мен.  
Төда нимсө, овсө,  
Төда чужан лун,  
Төда, кутшөм лов шы;  
Серамыс оз вун.  
Көть эг этша воськов  
Орччөн вөчлөй ми,  
Эз на кутлы коскөд  
Сійөс менам ки.  
Шуа: «Муса нылөй!»  
Шуа: «Сьөлөмшөр!»  
Он пө менө ылөд,  
Весьшөрө эн сөр!  
«Мыйла нө он эскы,  
Воча мен он лок?»  
Көмкотөй пө дзескыд,  
Дойдө менсьым кок.  
Сералис эз өтчыд.  
Мыйла?

Ме эг төд.  
Өшөдчы, көть вөйтчы!  
Сьыв, көть сэсса бөрд!

---

Дыр эз вермы кольны тадзи,  
Талун локті гортас.  
Муса нывлысь мамсö аддзи,  
Аддзи төлка мортös.  
Визув шорөн муно сёрни;  
Мыйысь эськө повны,  
Мыйла нывлысь ки не корны,  
Медым гозйөн овны!  
«Нина том на,— шуö мамыс,—  
Зонъясысь на полö;  
Медым содыштас на сямыс,  
Мед на мамкөд олö.  
Томөн верössайö петём —  
Чинём оз сет буртö.  
Дойыд кокныдджыка шедö,  
Сьöкыдджыка бурдö.  
Ме эг чайт, мый тадзи овлö,  
А вот суис рökыд.  
Шоглысь паськөм век на новла,  
Век на меным сьöкыд».  
Ольга Алексеевналөн  
Эз вöv гажа висьтыс.  
Шоглөн көрыс — абу малөн,  
Тальём оз — оз кисьмы.

---

Сьöкыд шуштём тшын войналөн  
Вевттис уна мортös.  
Воши сөдзлун уна валөн,  
Уна йөзлөн гортис.  
Ольга Алексеевнаöс  
Тайö шог эз кедзовт.  
Верös ветліс нель во саяс...  
Надейтчём эз көдзав.  
Быдлун өтмоз рыт и асыв

Думнас верӧс дорын.  
И эз ӧтчид юӧр часын  
Сійӧ бӧрддзыв горӧн.  
Аслыс сямӧн олӧм гартчӧ,  
Он тӧд, кодлӧн кызди:  
Ӧтик визув паныд вартчӧ,  
Мӧд морт кывтӧ сідзи;  
Ӧти радейттӧг оз окышт,  
Мӧдлы быд морт муса.  
Алексеевналӧн шогыс  
Вӧлі нывсьыс гуся.  
Бӧръя кадӧ эз тӧд кӧні  
Ветліс сылӧн верӧс,  
Гашкӧ, уси, сюрис пленӧ,  
Косьмис югыд вирыс.  
Кыа — тожӧ шонді югӧр,  
Пӧтка чипсӧм-сьылӧм;  
Эм кӧ письмӧ, эм кӧ юӧр,  
Озджык шогсы сьӧлӧм.

---

Война эштис, война кусі,  
Вӧрӧг ловсӧ воштис.  
Шонді югӧр муӧ уси,  
Йӧзлысь синва косьтіс.  
Коді батьсӧ, коді воксӧ,  
Коді жӧникпусӧ  
Кутлӧ, окалӧ...  
    Да ворсӧ,  
Оз кыв кокув мусӧ.  
Верӧс ловъя, верӧс тани...  
Сӧмын важсьыс ылын.  
Сійӧ аддзӧма выль аньӧс.  
Воши батьыс нывлӧн.

Мыйла артмис тайӧ тадзи,  
Ольга эз ло муса?  
Помка талысь ме эг аддзы.  
Эм кӧ сійӧ — гуся.  
Алексеевна эз висьтав,  
И эз висьтав Нина.  
«Мыль кӧ петас — коркӧ письтас»,  
Шуны мӧдтор нинӧм.  
Тадз, дерт, тшӧкыда юз овлы.  
Сӧмын век на эмӧсь  
Урӧс пуяс; кӧть оз ковны,  
Аддзан паськыд вӧрысь.  
Быдмис Нина, Нина туис,  
Кыдзи мича пожӧм.  
Коли сизим тӧв да тулыс,  
Сизим шоныд гожӧм.  
Бать эз волы, бать эз видлы,—  
Вуні нимыс сылӧн.  
Ӧні батытӧг он кув тшыглы,—  
Но ӧд эм на сьӧлӧм.

---

Веж юрсиа нывка —  
Еджыд чужӧмбан!  
Ветлӧ, юсь кыз кывтӧ,  
Пызан костӧд тан.  
«Волы, нывка, татчӧ!»—  
Шыалӧ сосед.  
Нывка, кӧть и аддзӧ,  
Сейны оз на сет.  
Шуӧ: «Эн на шонав.  
Тэрмасьны оз позь».  
«Аттӧ, кутшӧм вома!  
Аттӧ, кутшӧм ёсь!»  
«Сылӧн уна пызан,

Сылөн уна удж,  
Сійö абу мыжа,  
Вердны кө эз куж;  
Нель пельö он торъяв,  
Ставлы тшöтш он ну»,—  
Нинаöс тадз доръя,  
Мед сосед эз пу.  
А сосед пыр скöрмö.  
Жалöбнöй пö вай!  
Шуö: «Ог на йöрмöй!  
Вылö эн на кай!»  
Мыйта көть эн сюяв  
Сісьмöм пыжлысь розь,  
Мыйта көть эн сирав,  
Дзоньтыны оз позь.  
Мукöд мортис тадзжö,  
Висьталан көть он,  
Тöдö сöмын асьсö,  
Асьыс лэптö дон.  
Вот и сёйсис, юсис,  
Нина вайис счёт.  
«Атьö!»— менам шусис.  
Пöt морт — шуда морт!  
Кад нин эськö мунны,  
Но сосед оз мун.  
«Сёйны мыйкö вуніс,  
Али босьтіс ун?»—  
Юалис тадз Нина.  
«Атьö.

Пöt.

Ог узь.

Вай мен сё грамм вина;  
Рытыс зэв на кузь»,—  
Бөръя кыв соседлөн  
Петіс синва сор...

Мыйта паськыд светлөн  
Аслыссяматор!  
«Висьтав, он-ө төд тэ  
Юськодь нывлысь ов?  
Яндзим сэсь, мый бөрдсьө,  
Сэсь, мый сибдө лов».  
«Петлякова Нина —  
Сылөн ов да ним».  
Ортсө киссис вина,  
Бансө вевттис лым.  
Нина чуймис, повзис:  
«Мый нө тэкөд, ёрт?»  
«Йөя менам овсис,  
Вошти ассьым горт.  
Видзөдлы мен синмө,  
Он-ө менө төд.  
Петө тэнад синва?!  
Төдін?»

Но, эн бөрд...»  
«Папа?! Кор нө, кытысь?  
Гортө волін, эн?»  
«Вола.

Кузь на рытыс...  
Вина вайышт мен».  
Нина лигышуси,  
Увлань лэдзис юр.  
Радлун сись моз кусі,  
Шуны кыв эз сюр.  
«Менам муса нылөй,  
Сьөлөм батылөн жеб.  
Сёрнинад көть ылөд,  
Чужөмбан эн дзеб».  
Нина лэптіс юрсө,  
Синмас öзйис лөг.  
Бушков төв оз кусөд;

Коссö шог оз чег.  
Бытьё кöдзыд вой тöv  
Гартö тані лым.  
«Вунöдін кö горттö,  
Вунöд менсьым ним.  
Эн лысьт шуны нылön:  
Пышйысь бать — не бать.  
Шуд кö кужин гуны,  
Кыскав шоглысь дадь».

---

Веж юрсиа нывка —  
Еджыд чужöмбан!  
Ветлö, юсь кыз кывтö,  
Пызан костöд тан.  
Мукöд пызан дорын  
Овлö Петляков.  
Синсö сылысь ёрö,  
Сувтлö сылön лов.  
Чöвтлас Нина вылö  
Шогön тырём син.  
Сёрнитöм эг кывлы  
Сэсся кыв ни джын.

---

## МИЯН ТУЙ

Революция ۆзйис да паськалі,  
Ставнас омөльсө, лёклунсө сотіс.  
Му Россиялөн выльногөн пасьтасис,  
Йөзлөн выныс пөсь тышъясын содіс.

Ни война, ни разруха, ни тшыгъялөм  
Йөзлысь вөля ни эбөс эз чегны.  
Югьд олөм выль шыясөн шыалө,  
Мича быдтасөн лөсьөдчө петны.

Ыджьд би пиысь, вир пиысь перйөма,  
Сизим пөсь пиын мыськөма олөм.  
Миян йөз аслыс удж ачыс бөрийөма —  
Коммунизм аслас шуд вылө дорөм.

Кулі Ленин, но Ленинлөн партия  
Мунө йөзкөд да нуөдө йөзөс —  
Мунө сьөкыдысь повзыйтөм гвардия,  
Мунө шудсө народъяслы чөжысь.

И кор косявліс миянлысь чужанму  
Пеж фашистскөй орда звермөм понйөн,  
Коммунистьяслөн тырмыліс кужанлун  
Йөзкөд лөсьөдны Рөдина дорйөм.

И народ и компартия олісны  
Öти сьöлöма öтторъя олöм.  
Öтув найö победаöдз воисны.  
Тайö йитöдыс нэм кежлö кольö.

Öти сьöлöмön, мöвпön и кöсийöмön  
Йöз и партия мунöны водзö:  
Медым вөрöгъяс туй вылысь вешйöны!  
Мед звезда миян ярджыка сотчö!

Миян содöны другъяс — тöваришъяс,  
Мисянь вынтöмъяс аддзöны отсöг.  
Мед оз лэбавны рытиввыв кырнышъяс,  
Оз кö кöсийыны чегъявны бордсö.

Ми ог лöсьöдчöй некодöс повзьöдны,  
Но бахвалъясöс öлöдны кöсьям.  
Медым вир кисьтöм некор не ловзьöдны,—  
Мир да ордйысьöм сьöлöмсянь вöзьям.

---

## ВОЙ ТӨВ

Көдзыд вой төв, весьшөрө эн скорав,  
Бускодь лымйөн паськыд туй эн тырт!  
Ассьыд вöля мянлы он көлав,  
Сьөлөм пиö көдзыдлун он пырт.

Вунөд, кызди важөн вөлөк костын  
Шыбель бокö жмитлин вöла-додь,  
Қызд эн өтчыд туйын ловсö босьтлы  
Коми мортлысь. Тайö öни — мойд!

Талун поезд мунö тэныд паныд,  
Бөрвыв кольö тшын да еджыд ру.  
Оз нин некод повзы тэысь тани  
Абу тэнад паськыд войвыв му!

Юяс вомөн, вөрөд, тундра эрдөд,  
Сэтчөдз, көни быдмис Воркута,  
Ылі көдзыд йиа море бердөдз  
Водіс рельсыяс улö пожөм шпал.

Сэн, көн муыс нэм чөжыс эз сывлы,  
Ставыс ловзьö, томмө лунысь лун;  
Асья югыд оз нин сэсса чинлы,  
Некор татысь вына морт оз мун!

## АСЫВВОДЗ

Югыз бисерөн дзирдало лысва,  
Увтас ру эз на быдлаысь быр.  
Регыз сынёдын садьмас да ышмас  
Ичот, пелькиник сайкыз төвныр.

Паськыз Эжва ю, быттьо том ичмонь,  
Шонди югорысь чужомыс гөрд...  
Кымын оло, пыр ёнджыка мичмо,  
Ассыс порошьмом сийо оз тод.

---

## ВӨРӨ КАЯ

Ме талун вөрө кая,  
Қыз аслам төдса гортө.  
Кер лэдзөм шуд мен вайө  
И вөчө мед бур мортөн.

Өд кертөг, брустөг, пөвтөг  
Ни кар, ни сикт оз овны.  
И уджө босьтча повтөг,  
Йөз бөрын мед не лоны.

Тан өні вөрлөн узьөм,  
Қыз кокныйд вөт том нывлөн.  
Быд пулөн муө усьөм  
Зэв ылөдз тасянь кылө;

И радлун вайө йөзлы,  
И радлун вайө меным.  
Ме ошйысьны ог көсйы,  
Но бөр ог мун тась нэмын.

## ВИЗУВТ ЗБОЙДЖЫКА, Ю

Визувт збойджыка, ю,  
Тувсов шондікөд ворс;  
Керъяс аскөдыд ну,  
Паськыд туй налы восьт.

Видзьяс вылө эн кат,  
Бадьяс костө эн сүй;  
Медым страдуйтан кад  
Менө тани эз су.

Яман гожөмын тэ,  
Бырө вөвлөм том вын.  
Сэк не кылөдны тэн  
Весиг ичөт керджын.

Содты визувтан өд,  
Быд кер запаньөдз ну:  
Меным шойччыштны сет  
Менсым озырмөд му.

---

## ОЛАМ-ВЫЛАМ

Ми олам да вылам,  
Ми гажөдчам, сылам —  
Роч ныв-зонкөд коми ныв-зон.  
Мед котөртө көр,  
Мед шыалө вөр,  
Мед лөсталө нефть да из шом!

Сыктыв ю,  
Эжва ю,  
И Печора ю — Волгалөн чойяс.  
Роч бур вок,  
Татчө лок —  
Сыктывкарын зэв югыдөсь войяс.

Ми лөсьодам олөм,  
Кыз шу д миян корө,  
Ми өтвылысь мичмөдам удж.  
Важ шуштөм лёк шог  
Бөр некор оз лок —  
Вын миянөс венны оз судз!

Сыктыв ю,  
Эжва ю,  
И Печора ю — Волгалөн чойяс.  
Роч бур вок,  
Татчө лок —  
Сыктывкарын зэв югыдөсь войяс.

Қор сьӧлӧмыд вына,  
Да ёртыд кӧ дӱнад,  
Сэк ышмӧдӧ, гажӧдӧ лун.  
Оз кыпӧдчы бус,  
И радлун оз кус,  
Ён дружба дзик некор оз вун.

Сыктыв ю,  
Эжва ю,  
И Печора ю — Волгалӧн чойяс.  
Роч бур вок,  
Татчӧ лок —  
Сыктывкарын зэв югыдӧсь войяс.

---

## ЗБЫЛЬМӦ ЭСКӦМЫС НӖЗЛӦН

Вӧля радейтысь вына народ  
Збоя стрӧитӧ вильнога олӧм.  
Ыджыд шуд ассыс паськӧдӧ борд,  
Сывьсьӧ сыланкыв гагаджык горӧн.

Ставлы тыдалан паськыд бур туй  
Миян партия быдӧнлы восьтіс;  
Коммунистъяслӧн слава оз кув,  
Налысь нимъяс историк оз вошты.

Йӧзӧс чуксалӧ, кыпӧдӧ вын;  
И быд морт сылы сьӧлӧмсянь эскӧ.  
Миян партия — компас и син,  
Коммунизмлӧн став мирлы предвестник.

Тӧдам ставӧн, мый шондіысь лун  
Некыз торъявны некор оз вермы.  
Ӧтнас партия йӧзтӧг оз мун,  
А народ сыкӧд некор оз йӧрмы.

Враглӧн вирыс кӧть мыйта оз пу,  
Вынйӧр миян век лунысь лун содӧ.  
Помам изъясӧн ю бӧрся ю,  
Багатыръяс моз восьлалам водзӧ.

Абу ӧткаӧсь му вылын ми:  
Микӧд войтыр миллиард мында мунӧ.

Сылас кӧдзыд войналӧн пеж йи —  
Йӧз кӧ бдительность йылысь оз вунӧд.

Миян партия сувтӧдӧс мог:  
Водзӧ стрӧитны, мичмӧдны олӧм;  
Дзикӧдз бырӧдны му вылысь шог —  
Мир дор сулавны. Сӧвесьть тадз корӧ.

Ставӧн тӧдам: оз весьшӧрӧ вош  
Выль решение миян партсъездлӧн;  
Оз нин первой страницаяс восьт  
Шудлысь. Збыльмӧ век эскӧмыс йӧзлӧн.

---

## ЛЕНИНГРАДЫН

Лөз юын уна ва,  
Кар пасьта уна бияс.  
Ми радейтам Нева,  
Проспектльсь гажа шыяс.

Көть зеп студентлөн куш,  
Оз шогсьы тани сійö.  
Студент көть вой оз узь,  
Кор гажөдчö да сьылö.

И медся шуда кад,  
И медся лөсьыд олөм:  
Студентлөн — «Летнөй сад»,  
Театрö другкөд волөм.

И аддзыны он куж  
Тэ мөдысь татшөм кадсö.  
Көть зептыд тэнад куш,  
Му ворсигтырья гартчö.

## НАРҖЫН

Муса пий, сулышт муртсысь,  
Кывзышт менсым ичөт висьт:  
Коркө дзирья тані дзуртіс,  
Няйтла воськовтны эн письт.

Сісьмөм чери дукөн пөдтіс,  
Гутьяс курччалісны ныр,  
Қотралісны кокьяс бердті  
Йөзысь повтөг вурдысь, шыр.

Тэныд дивө, тэ он эскы:  
Кыз нө вермис лоны тадз?  
Тані сынөд ма кодь чөскыд,  
Тані вөр кодь паськыд сад.

Тані гөгөр дзоридз ловзьө,  
Тані рытын югыд би,  
Тані кылө юлөн лов шы...  
Мен эз эскы менам пи.

Олөм мунө, олөм вежсьө:  
Гөгөр быдтор өні бур.  
Он кө адзыв туйяс вөчөм,  
Шуан: некөн эз вөв нюр.

Тшыгйөн олөм он кө төдлы,  
Он куж сетны няньлы дон.

Он кө номлы сёйны шедлы,  
Он төд, мыйла вөчсё вон.

Менам пиёй коркө быдмас,  
Аслас пины шуас тадз:  
«Орччөн вөліны тан сиктъяс;  
Шонтіс керканымөс пач».

Пиыс батыслы оз эскы,  
Шуас: «Тані ставыс кар.  
Мыйла пачыс, мыйла пескыс,  
Эм кө трубаясын пар?»

Муса пиёй, батылы эскы,  
Тэныд аслыд эскас пи.  
Батылөн висьталөмыс веськыд,  
Шудсө чужтіс сылөн ки.

---

## ЭНЛЫ МУН

Менам сьӧлӧмшӧр, зарнийӧй менам,  
Некор дум вылысь вунлывтӧмтор,  
Тэнсьыд кывзышта сёрни да серам,  
Энлы мун, талун абу на сёр.

Тэнад сёрни — мен скрипкӧн шыяс,  
Тэнад серам — мен сӧдз шорлӧн гор.  
Мед жӧ найӧс ме дырджык на кыла,  
Энлы мун, талун абу на сёр.

Шоныд тувсовъя лун меным воӧ,  
Тэ кӧ ме дінын, мелі бур ныв.  
Сьӧлӧм жугыльтчӧ, нюм менам вошӧ,  
Ог кӧ гӧлӧстӧ тэнсьыд ме кыв.

Энлы мун, сылам сыланкыв мекӧд,  
Сылам олӧмлысь шуда бур кад.  
Мед тшӧтш мянкӧд сыласны мукӧд,  
Медым сылас веж тувсовъя сад.

## ГӨРД ЧЫШЪЯН

Ме котөрөн бөрсяныыд вөтчи,  
Мед суөдны тэнө, бур ныв,  
Мед кутлыны, окыштны өтчыл  
Да висьтавыны кымынкө кыв.

Со өнөдз на син водзын олө  
Дзик морт судта розъяльсь сю,  
И өнөдз на сьөлөмөй полө,  
Мый тэнө ме бара ог су.

Кысь тэрыблун содтөд мен босьтны?  
Кыз кузьджыка нюжөдны ки?  
Көть тэнад и воськолыд посни,  
Но пельк, кызди вирдалан би.

Тэ сідзи жө тэрыба пышьян,  
Кыз тэрыба эштөдан удж.  
Флажок моз жө ворсө гөрд чышьян,  
Тэ, тыдалө, ньөти он мудз.

«Вай эбөстчыв, тэрмасышт, зонмөй,  
Эн жалит том кокъяслысь вын.  
Быд кутлөмысь радейтөм ёнмө;  
Кут бура — мед нылыс эз мын!

Ныв абу тай черикӧд ӧткодь,  
И тывъялы паныд оз пет.  
Ныв абу тай лэбалысь пӧтка,  
И кыйдӧсӧн кыйны оз шед».

Ме суӧді, куті и чайті,  
Мый торйӧн тэ меысь он ло;  
Но янсалим регыд, прӧщайтчим,  
И бӧр сійӧ кадыс оз во.

## ТОМ МАШИНИСТ

Джуджыд пожома вөр, быттьо мойдын,  
Туйлысь топодө векныдик визь;  
Лымйөн коясьо мудзытөм вой төв,  
Но том мортлөн том сёлөм оз вись.

Войлысь эшкынсö вундö прожектор,  
Ворсö, дзирдалö рельс вылын пуж...  
Тайö мичсö не вунöдны некор,  
Көть и висьтавыны ставсö он куж.

Кыммөм шпал вылын рельсыяс оз вөрны,  
Поезд ру пиын лэбзьö, кыз нёв;  
Пушкыр пожомъяс кольöны бөрвыв,  
Машинист водзö видзöдö чöv.

Саөн неуна ляксöма бандзиб.  
Мый нö вöчан, көть гөтыртөм морт?  
Мый нö вöчан, көть нылысь и яндзим?  
Паровозыд тай абу курорт.

Он öд тані быд воськолын мыссы.  
Саысь, номйысь моз, некыз он мын.  
Поезд сувтис. Перрон вылын шызис.  
Воши том мортлөн смеллун и вын.

Аслыс колö, а сьöлöмыс полö:  
«Медым волас... Мед сёрмас, оз су...»  
А кор аддзис, кыз унаысь овлö,  
Сöмын нюммуни́с, нинöм эз шу;

Öдйö лэччис да котöрти́с паныд,  
Нывлысь нежнöя топöдлiс ки.  
Абу, тыдалö, первойысь танi,  
Абу тöрытссянь сьöлöмас би.

Вөрзис поезд да чушкигтыр муни́с...  
Том учительша чышкышті́с син;  
Кöдзыд вой тöвлөн чизырлун вуни́с,  
Қинас видлалі́с окалöмин.

Гортын пукалі́с рөмпöштан водзын,  
Нюмпыр видзöдiс саöссьöм бан;  
Мелiлунсö да радлунсö соддзöн  
Сылөн сьöлöмыс коялі́с тан.

## МУСА НЫВ

Вөлі лөнь, шоныд гожся вой,  
Визув ю кузя кывтіс пур.  
Горза: «Йөткасьны лок, муса чой!  
Матын сибдөг».

Тэ кыпөдін юр.

Пожом йөв ру кодь паляліс ун,  
Маысь чөскыдджык помассис вөт.  
Эн шу, чеччин да: «Абу на лун».  
Эн шу: «Унмысь ме эг на пөт».

Зібла пур вомөн котөртін тэ.  
Аддзи: чеччыштін паськалөм кост.  
Вуні юбкалөн векныдлун...

Ме

Сөтка ас вылө: «Чөрт менө босьт!»

Тэнад пур костө саяліс юр,  
Йизис сьөлөмын менам том вир.  
Дерт, эг думышт, мый кутны он сюр,  
Да и кад эз вөв думайтны дыр.

Өтчид чеччышти — тэ дорын ме.  
Сьөлөм морөсысь муртса оз пет...  
Вирын би — сэтшөм рад лои.

Тэ

Кыптин, серөктін.

«Сералан век»,—

Шуа тэн; ачым нюмъяла тшөтш...

Зібйөн йөткасим сибдөгьсь...

Вой

Сийө коли, но уна во чөж

Тэ он вун, муса ныв — шуом чой.

—

## ПАШ ДЕД

Ветлө өтарө-мөдарө дедө.  
Том йөз гөлөсөн шыалө вой.  
Микол-Сандра со сьылгтыр петө...  
Дзик жө мамыс кодь гажа да збой.  
Мича чужөма, варов, а синьяс  
Биөн сотоны. Сьөлөмтө видз!  
Медся ёна нин тайө том нывлысь  
Пелька уджалөм мичмөдө мич...  
Дед көть пөрысь, но радейтө сийөе.  
Дерт, оз зоньяс моз. Кольөма кад.  
Сюрас паньд да кутлас кө киөд,  
Шуас: «Паш дедө!»— Сийө нин рад.  
Дедлы сизимдас ар регьд тырө.  
Арлыд ьджьд, но сьөлөмыс том.  
Кань кө котөртас, кок шысө кылө.  
Оз на узьтөмла паськөдлы вом.  
Талун кымөра, войыс зэв пемыд.  
Оз өд весьшөрө шулывлы пөч:  
«Гашкө, пост вылад гажтөм сэн тэныд?  
Бурджык, мукөдтор луньяснас вөч».  
«Пиёй фронт вылысь регьд нин воас,  
Сэки довьявны войын ог мөд.  
Кьдзкө гажтөмсө венны нин лоас.  
А берданкаөн полөм ог төд».

Сөмын поньяслөн увтөм шы кылө.  
Некөн, некод оз гажъяв, оз ворс.

Би со сикт помын кыпөдчө вылө.  
«Мыйкө сотчө?!» — дед видлалө тош.  
«Сэни кодлөнкө керка тай өзйис!  
Сөмын кодлөн нө? Сө гыжъя чөрт!  
Тайө менам!» И сьөлөмыс вөрзис.  
Дед оз гөгөрво — вемөс ли вөт.  
Сийө котралө, кок улыс сотчө,  
Муыс, быттьөкө ывнялысь шом.  
Сувтө, видзөдлө... «Өні нин, төдчө,  
Би оз кус: менам керкалы пом!  
Сөмын, мыйла нө тадзикөн өзйис  
Өттшөтш гөгөрбок, быттьө пөсь сир?  
Коньөр, пөч менам празднуйтны көсйис...»  
Кузя мөвпавны дедлы эз сюр.  
«Эмөсь локтысьяс?! Мый налы колө?  
Гашкө, юөрөн...» Горөдіс: «Сувт!  
Мыйла ветланныд тат татшөм сөрөн?»  
Сылөн пель дорті югнитіс пурт.  
Кутшөм гөстьяс, дед вөлисти төдіс.  
Шуө: «Восьта ме тиянлысь вом!»  
Кылө лыйөм шы — өтчыдысь, мөдысь...  
Дед көть арлыда, сьөлөмыс том.

Визув шорөн моз прөйдитіс арыс.  
Гортас Паш дедлөн пиыс эз во.  
Керка стрөитны сөрни эз гарышт.  
Төдіс, питөгыс нинөм оз ло.

Вот и выль во лун. Паш дед оз уджав,  
Мөдө пөчкөд, соседьяскөд тшөтш  
Қлубө... «Видзөдлам гаж сэни кутшөм».  
Сылы кум шуө: «Сэни тэ гөсть  
Лоан талун...» А мыйла? Оз висьтав.  
Ёна юасыны Паш дед оз куж.

«Менө, колөкө, вывті эн серав,—  
Шуө кумлы,— то петкөдла пуж!»

Тырыс йөз, но көть гут лэбзяс, кылө.  
Быд морт кывзө, мый висьталө дел:  
«Ыджыд радлунөн сьөлөмөй тырө;  
Эг куж мөвпыштны та йылысь, дерт...  
Ті со выль керка сетанныд меным.  
Көні мөдлаын му вылын эм  
Татшөм мортнога, веськыд бур олөм?  
Абу некөн, дай эз вөвлы нэм.  
Тайө олөмсө пи менам дорйө.  
Мыйөн верма, ме отсала тшөтш.  
Ая-пиаөс нинөм оз торйөд:  
Шудтө олөмад өткөн он вөч».

## МЕНАМ НЫВЛЫ

Тэ чужин талун, менам югыд тōлысь.  
Ме тэнō ёна виччыси, бур ныв.  
Тэ аскōд вайин меным гажа тулыс;  
Тшōтш тэкōд чужис менам сыланкыв.

Том мамыд, быттьō тувсов кадся льōм пу,  
Тэ — сылōн нежнōй чōскыд дука цвет.  
Кōть морōс бердас ваян ассьыд вомтō,  
А мый сэсь корсян, ачyd он на тōд.

Тэ чужанінын медся небыд гожōм,  
Тэ чужанінын олōм — тувсов сад.  
Тан чужō йōз, кыз ягын посни пожōм,  
И бать-мам нывлы-пилы ѓтмоз рад.

Ме тэнсьыд олōм водзвыв ог кут сывны;  
Тэн паськыд туйыс гōгōр уна эм.  
Тэ мича цвет моз, менам нылōй, быдмы,  
Тэ быдмы збоя — тэнад шуда нэм.

## МЫЙЛА, МЫЙЛА

Мыйла, мыйла татшөм мича,  
Мыйла татшөм мелі ныв?  
Мыйла нюмда, ки кө мыччас?  
Мыйла шогся, оз кө сыв?

Сійө дум вылын век,  
Көть и пельк пила чеп  
Чушкө пилитө кер,  
Көть и войтырөн тырөма вөр.

Ог төд, мыйла сытөг овны  
Меным талун сям оз сюр?  
Мыйла орччөн кокныйд ловлы,  
Зумыд воськов, вылын юр?

Менам дженьдаммө лун,  
Оз кө ме дорысь мун  
Муса ныв, мелі ныв,  
Көть оз нюмъяв, көть сійө оз сыв.

Мыйла радейта ме сійөс?  
Мыйла сытөг пемдө вөр?  
Уджлөн горыс, уджлөн шыыс  
Сыкөд мелі, сытөг скөр.

Сійө дум вылын век,  
Көть и пельк пила чеп  
Чушкө пилитө кер,  
Көть и тырөма войтырөн вөр.

## МЕНАМ НЫВЛЫ

Тэ чужин талун, менам югыд тӧлысь.  
Ме тэнӧ ёна виччыси, бур ныв.  
Тэ аскӧд вайин меным гажа тулыс;  
Тшӧтш тэкӧд чужис менам сыланкыв.

Том мамыд, бытгӧ тувсов кадся льӧм пу,  
Тэ — сылӧн нежнӧй чӧскыд дука цвет.  
Кӧть морӧс бердас ваян ассыд вомтӧ,  
А мый сэсь корсян, ачyd он на тӧд.

Тэ чужанінын медся небыд гожӧм,  
Тэ чужанінын олӧм — тувсов сад.  
Тан чужӧ йӧз, кыз ягын посни пожӧм,  
И бать-мам нывлы-пилы ӧтмоз рад.

Ме тэнсыд олӧм водзвыв ог кут сывны;  
Тэн паськыд туйыс гӧгӧр уна эм.  
Тэ мича цвет моз, менам нылӧй, быдмы,  
Тэ быдмы збоя — тэнад шуда нэм.

## МЫЙЛА, МЫЙЛА

Мыйла, мыйла татшөм мича,  
Мыйла татшөм мелі ныв?  
Мыйла нюмда, ки кө мыччас?  
Мыйла шогся, оз кө сыв?

Сійө дум вылын век,  
Көть и пельк пила чеп  
Чушкө пилитө кер,  
Көть и войтырөн тырөма вөр.

Ог төд, мыйла сытөг овны  
Меным талун сям оз сюр?  
Мыйла орчөн кокныд ловлы,  
Зумыд воськов, вылын юр?

Менам дженьдаммө лун,  
Оз кө ме дорысь мун  
Муса ныв, мелі ныв,  
Көть оз нюмъяв, көть сійө оз сыв.

Мыйла радейта ме сійөс?  
Мыйла сытөг пемдө вөр?  
Уджлөн горыс, уджлөн шыыс  
Сыкөд мелі, сытөг скөр.

Сійө дум вылын век,  
Көть и пельк пила чеп  
Чушкө пилитө кер,  
Көть и тырөма войтырөн вөр.

## ПАСЬКЫД ТУЙ

Помассис велөдчөм,  
Эштіс экзамен.  
Серамөн ворсігтыр  
Коді кыз сяммө

Гажөдчө сьөлөмсянь,  
Сьылө да ворсө;  
Мичмөдны олөмсө  
Кужанлун корсьө.

Чөвусьлам, кывзыштам  
Гөлөсьяс налысь,—  
Паськыда кывтөмсө  
Тувсовья валысь...

Лун төлөн өвтышлө  
Кызьяслысь росьяс;  
Дзевөны ловшысө  
Кырдорса козьяс.

Паськыд туй, веськыд туй ставлы воссьө,  
Мунан кад, гажа кад өдйө локтө.  
Миян дружныя уджавны босьтчөм —  
Лоө шудлун да озырлун содтөм.

Регыд янсөдчам, мунам;  
Ассьыд ёрттө эн вунөд.

Қоркө лоас кө гажтөм,  
Татчөс велөдчөм казытышт.

Збойөс некодлы некор не венны,  
Сійө сьөкыдысь некөн оз повзы.  
Муыд гөртөг да көдзтөг оз энды —  
Том зон киномысь трактор кө ловзё.

Регыд янсөдчам, мунам,  
Төдса йөз лоас уна.  
Но бур другөн эн шыблась,  
Олөм дружбатөг сибдас.

Уна удж, уна буртор ми вөчам,  
Медым шуд мияи му вылын олас.  
Уна му гөрам, агсалам, көдзам —  
Бурөн казытылөм ми йылысь коляс.

Ставөн янсөдчам, мунам  
Тувсов шондіа лунө.  
И быд том мортлөн сьөлөм  
Ассьыс сьыланкыв сьылө.

## ШОНДЫСЬ ЮГЫД

Ленинлөн нимыс оз вунлывлы миян,  
Ленинлысь нимсö быд морт öнi тöдö.  
Знамяыс Ленинлөн вына бур кийн,  
Уджалысь войтырлы шуд сийö сетö.

Туйдöдö, нуöдö Ленин,  
Велöдö лöсьöдны олöм.  
Сыкöд став сьöкыдлун венам  
И коммунизмö ми воам.

Русскöй, украинец, коми, татарин —  
Ленинöс öтмоза нимтöны бaтьöн;  
Öтвылысь казытöны. Сиктын, кöть карын  
Шуöны сьöлөмсянь зэв ыджыд аттьö.

Ленинлөн партия öтув  
Аслас народыскöд олö.  
Сыкöд став сьöкыдлун венам  
И коммунизмö ми воам.

Шондi оз кöдзав, оз кус ни оз пемды;  
Делöыс Ленинлөн шондысь югыд.  
Врагьяслы миянöс некор не венны,  
Олөмлысь мунөмсö некод оз дугöд.

Туйдöдö, нуöдö Ленин,  
Велöдö лöсьöдны олöм.

Сыкӧд став сьӧкыдлун венам  
И коммунизмӧ ми воам.

Миянкӧд ӧтвылысь уна народъяс,  
Миянкӧд ӧтвылысь уна странаяс.  
Воысь во ёнмӧны миян збой бордъяс,  
Биясӧн тырӧны вӧръяс и ваяс.

Ленинлӧн партия ӧтув  
Аслас народыскӧд олӧ.  
Сыкӧд став сьӧкыдлун венам  
И коммунизмӧ ми воам.

---

## ШОЙЧЧАН ЛУН

Бур удж бөрын бара воис шойччан лун.  
Мыйла сөмын миян вошө асья ун?  
Кодкө вөрө кайө вотны пув да тшак,  
Кодкө лөсьөдө со чери кыян сак,  
Кодкө домөд йылысь лэдзө кыйсян пон,—  
Быд морт ас ног шойччан лунлы пуктө дон.  
Быд морт аддзө аслыс медся мусатор:  
Джуджыд вөр ли, наськыд ю ли, визув шор...  
Кодкө сьылө, кодкө йөктө,— вөчө гаж;  
Кодкө книга дорын лунсө кольны дась.  
Кодкө муса нывлы мойдө лөсьыд мойд,  
Виччө: дыр-ө нылыс муслунөн оз ойд.  
Кодкө гижесьө — босьтө аслыс гөтырпу...  
Майбыр абу ичөт миян чужан му!  
Абу этша сәні том и пөрысь йөз.  
Быд морт уджалө, кыз кужө, квайт лун чөж.  
Шойччыны, дерт, шойччан лунө абу лөк:  
Шойччөг корөны сэк юр, и ки, и кок.  
Сөмын узыны шойччөм могысь морт оз вод,  
Узьом помысь миян нинөм бур оз сод.  
Кывзы бура миянөс тэ, муса друг:  
Узысь морткөд асьыд шойччан лун эн юк!



Юыс чуклялө,  
Йөла чуксалө,  
Рыгъя кыалөн кельдөдө бан.  
Энө янсөдчөй,  
Ёнджык гажөдчөй,  
Сыылөй, йөктыштөй өтвылысь тан.

Медым ыб вылыс  
Вывлань кытылас,  
Медым гызыштлас Эжвалөн мыш.  
Коді гажөдчө,  
Унмысь пальөдчө,—  
Сийө нинөмөн некор оз вись.

Парма пасьтаыс  
Бара пасьтасис  
Выль веж платьеө талун быд пу.  
Том йөз петісны,  
Вынсө сетісны —  
Медым мичмөдны ас чужан му.

## ЧЕЛЯДЬДЫР

Пожом сир войт войтыштö,  
Шондi рөмөн дзирдыштö,  
Кыа водзын сотчыштö,  
Югыз биөн вирдыштö.

Челядьдырся олөмөй,  
Көмтөм кокөн ветлөмөй,  
Тувсов войяс колльөмөй,  
Посни чери вердөмөй, —

Пожом сир моз войтыштö,  
Көлесаөн быгыльтчö,  
Ветлө-мунö шойччитөг,  
Оз и төдлыз жугыльтчөм.

Пожом сир войт войтыштö,  
Шондi рөмөн дзирдыштö,  
Кыа водзын сотчыштö,  
Югыз биөн вирдыштö.

---

## ТУВСОВ РЫТӨ

Тувсов рытө, югид рытө  
Петі ывла ылө.  
Ог төд ачым ветлі кыті,  
Сёрмис гортө пырөм.

Гажа тулыс, югид тулыс,  
Лөсьыд шуда олөм —  
Қольмөдан тэ менсьым юрөс  
Том йөз сьылөм горөн.

---

## ЗЭР

Гымлөн мургөм кылө,  
Шувгө пемыд вөр;  
Қиссьө юрси вылө  
Шоныд тувсов зэр.

Гудыртчөны юяс,  
Небзьө паськыд му,  
Кизьөрмөны туйяс:  
Ставыс гөп да гу.

Петас югыд шонді,  
Лоас гажа лун;  
Қосьтас, туйяс дзоньтас —  
Қытчө колө мун!

---

## УДЖЛЫ СЛАВА

Миян чужан му ыджыд,  
Миян вөр-ваыс помтөм.  
Кор көть кытчө он видзөд —  
Ставыс сьөлөмтө шонтө.

Вына кипомысь  
Олөм кыпалө.  
Ыджыд славаным  
Ылөдз нималө.

Көть и сывлытөм муыс —  
Сылысь озырлун босьтам.  
Көть и косьмывтөм нюрыс —  
Паськыд туйяс ми восьтам.

Вына кипомысь  
Олөм кыпалө.  
Ыджыд славаным  
Ылөдз нималө.

Морт кө сьөлөмеянь шуас —  
Артмас сө судта керка.  
Морт кө домалас юяс —  
Быть турбинылы бергав.

Вына кипомысь  
Олөм кыпалө.

Ыджыд славаным  
Ылөдз нималө.

Мөвп и удж миян өттшөтш  
Збоя вермөны лэбны.  
Коді ми бөрся вөтчө,  
Сылөн олөм оз жебмы.

Вына кипомысь  
Олөм кыпалө.  
Ыджыд славаным  
Ылөдз нималө.

Миян чужан му ыджыд,  
Миян вөр-ваыс помтөм.  
Қор көть кытчө он видзөд —  
Ставыс сьөлөмтө шонтө.

Вына кипомысь  
Олөм кыпалө.  
Ыджыд славаным  
Ылөдз нималө.

---

## ПАРТИЗАН

Тан гартчис турөб лун и вой,  
И ывла вылын морт эз ветлы.  
Сьöd вөрсянь кыліс чорыд бой...  
А вöрысь тöлын некыз петны.

Тэ пищаль помысь воши тшын,  
Патронъяс зепъясысь эн аддзы.  
Кöть збойлуныд и сетіс вын,  
Но регыд воши тэнад садьыд.

Эз кокав кырныш тэнсьыд син,  
Эз пуля пискöд ыджыд сьöлөм,  
Эз косяв яйтö кöин пинь,  
Тэ воин юкмöс дорö тöлын.

Тэн тöдса вöлі джуджыд йир,  
Тэ враглы сетчыны эн кöсйы.  
Бандит эз вунöд тыштö дыр  
И тэнö виömөн эз ошйысь.

Эз кут ён көртөд тэнсыд ки,  
И воськов тэнад вөлі зумыд.  
Палач эз удит шуны кыв,  
Кыз аслыс вао лои сунны.

Дерт сійө өтнасөн эз вөв,  
И ловтө ассыд сәні воштін.  
И бара гартчис бушков төв,  
Тэ төвлы туй ас ловнад восьтін.

Тэ вөлін славнөй партизан,  
Тэ вөлін вына коми пиөн.  
Тэ вечнө микөд лоан тан,  
И сьөлөмнымөс өзтан биён.

---

## АР

Кымөрлөн бурсиыс му кузя кысьё,  
Ловзьёны, гажмёны косьмылём шорьяс;  
Эжвалён мыш вылыс паськалө, гызьё;  
Киссьёны пуяслөн вижөдөм корьяс.

Өвтыштіс бордьяснас войвывса гожём,  
Өтвылысь юсьяскөд лунвылө лэбис.  
Ар аслас ыркыдөн пырө быд вожө:  
Быттьө став вөр-васө гожёмлысь ньөбис;

Воськовтө отарө — вотөсьяс кисьтө,  
Воськовтө мөдарө — копрөдлө пуяс;  
Быдлаө сибалө, быдлаө письтө,  
Ловшынас шызьөдө, паськөдө туйяс;

Уджалысь войтырлы озырлун вайө,  
Сьылөм да гажлун быд керкаө пыртө;  
Козьналө мянөс вийён и яйён  
Да элеваторьяс шобдіён тыртө.

Кымөрлөн бурсиыс му кузя кысьё,  
Югид шөвк лентаён шондікөд ворсө.  
Кельыдлөз енэжыс мичмөдчө мысьё,  
Нюмъялысь синьясөн мянлы вощьё.

## ВЫЛЬ КӨРТ ТУЙ ДОРЫН

Зон зумыштчөма, нюмъевтны оз көсйы,  
Оз видзөд, көні нывлөн самосвал.  
Көвш бөрся көвш машинаяслы вөзйө,  
Йөз дивуйтчымөн талун сійө яр.

Сы киподулын экскаватор ворсө,  
И паськыд шорөн киссьө чорыд му.  
Зон, быттьөкө, карьерысь шудсө корсьө,  
Да некыз сійөс тэрмасьтөг оз су.

Быд дас минут мысть өвтыштө лөз чышъян,  
Быд дас минут мысть вошлө югыд лун.  
Но кытчө нылөс радейтөмысь пышъян,  
Көть төрытья өбида эз на вуи!

Ныв клубын сылы серам могысь шуис:  
«Тэ йөктыны ни радейтны он куж...»  
Механик сэсся бөръя вальсө нуис,  
И вальсыс сійө вөлі помтөм кузь.

Дерт, нывлөн өнөдз ставыс тайө вуні,  
И кисьтө нюм кабина өшинь пыр.  
Эз төдлы весиг, кызди коли луныс:  
Пось радейтөмөн сьөлөмыс дзик тыр.

Зон мөвпалө: «Туй воас Сыктывкарөдз...  
Сэн овмөдча и гортө бөр ог лок.  
Ме олі аслам сиктын кызь вит арөдз,  
И некор мен эз вөвлы татшөм лөк».

Вот лэччис шонді. Эжва дорын том йӱз.  
Вот тӱдса зонлы шуӱ тӱдса ныв:  
«Прӱстит тэ менӱ, сьӱлӱмьд кӱ доймис...»  
И топалі нин зонлӱн паськьд сыв.

Зон нылӱс койӱ аслас мелі кьлӱн:  
«Мен тэкод ӱтув муса му и ва.  
Ме ачым мыжа. ӱні сьӱлӱм сьылӱ.  
И гажтӱмлун мен некод оз нин вай».

Том йӱзкод олӱ радейтчӱм да гажлун,  
Том ныв-зонъяслӱн биӱн пуӱ удж.  
Ми регьд тась выль кӱрт туй ставӱн аддзам,  
Кӱть Емва вомӱн сийӱ эз на вудж.

## ЗОН ДА ДЗОРИДЗ

Көть и муса зонлы дзоридз,  
Көть и вайлывлө букет,  
Көть и сьөлөм абу чорыд,  
Мулы эжмыны оз сет.

Тувсов гөра-көдза дырйи  
Оз и лөньлы трактор гор.  
Көть нин норма кыкпөв тыри —  
Зонлы век на абу сёр.

Арын ветлө муяс дорти,  
Ассьыс радлунсө оз дзеб.  
Настроеньесө оз портит  
Дженьыд уска шобді шеп.

Ныв оз лөгась, көть оз сюр сёсь  
Дзик ни өти василёк.  
Ныв оз гажтөмчы, көть юрсө  
Оз кут мичмөдны венек.

## ЭН ШОГСЫ

Эн шогсы жö весьшөрö, нылöй,  
Тэ йöз костын öтнад он ло.  
Кöть мам-батьöс колин и ылö,  
Дзик пикö тан некор он во.

Ми, ковмас кö, отсалам уджын.  
Тэ аддзан, со кымын том ки.  
Он тöдлы ни шогсьöм ни мудзöм.  
Оз куслы бур дружбалөн би.

---

## ЙӨКТӨМ

Уна трактор быд колхозын өні эм.  
Сөмын налөн зыкыс кок шыөс оз вен.  
Қылас, локтас татчө менам тракторист.  
Сійө некор менө вунөдны оз лысьт.

Эй, пөдруженька, эн жалит ассыд кок!  
Кок шытө кө оз кыв, мусукыд оз лок.  
Али менсьым трактористөс мырддян тэ?  
Сідз кө вөчан, кута ёрны тэнө ме.

Аслым мусукөс ме бөрйыны эг куж.  
Чайті: мусукасьөм абу колан удж.  
Ой, пөдруженька, эн мырдды менсьым шуд,  
Менам мусукөйлысь сьөлөмсө эн кут.

Уна трактор быд колхозын өні эм.  
Сөмын налөн зыкыс кок шыөс оз вен.  
Қылас, локтас татчө менам тракторист.  
Сійө некор менө вунөдны оз лысьт.

---

## ОГ ТӨД

Турун юр дорын ме узи,  
Гожся шондiысь водз чеччи.  
Ог төд: гашкө, лысва усис,  
Гашкө, синва менам лэччис.

Уна югыд посни войтъяс  
Дзирдалісны кыа рөмөн.  
Ыджыд зорөд дорын ёртъяс;  
Наысь бокын өтнам сөмын.

Сэн жө накөд милөй другөй  
Век на узыө чөскыд унмөн.  
Код нө шудөс менсьым дзугө?  
Мөдног эськө эз жө вунөд.

Уджалигөн мелі важмоз,  
Дінас корө турун чөвтны.  
Рытнас нывъяс дорө гажмас,  
Синсө ме вылө оз чөвтлы.

Ог төд: радейтө ли оз ли...  
Ог төд: лысва али синва...  
Ог төд: өні сёр ли водз ли...  
Ог төд: пөсяла ли кынма...

## КЫРКӨТШ ЙЫЛЫН

Кыркөтш йылын паськыд коз,  
Паськыд коз.

Эжва вомён джуджыд пос,  
Джуджыд пос.

Кыркөтш йылын олө ныв,  
Олө ныв.

Сылөн варов мелі кыв,  
Мелі кыв.

Быд рыт нывлөн зарни ки,  
Зарни ки  
Өзтө сиктын уна би,  
Уна би.

Сійөн войыс, быттьө лун,  
Быттьө лун.

Сійөн менам вошө ун,  
Вошө ун.

Сійөн нылысь бырө гаж,  
Бырө гаж.

Тайө висьөмыс зэв важ,  
Зэв нин важ.

Радейта ме джуджыд пос,  
Джуджыд пос.

Муса меным паськыд коз,  
Паськыд коз.

## ПӨРЫСЬМӨМ

Луныс өдйө зэв кольö —  
Быттьö син куньлөм кост;  
Мортлөн том кадея олөм —  
Быттьö дженьыдик пос.

И он казяв, он төдлы:  
Кольö поскыслөн джын.  
Код нө тэрмөдлө, вөтлө?  
Мыйла чинө тадз вын?

Бөр кө косыштны позис,  
Либö сулыштны сэн,  
Сэтшөм шуд эськө воссис,  
Қодөс смертиыс эз вен.

---

## ЭН ЛӨГАСЬ

(вальс)

Эн жö кöть нэм кежлад лөгась,  
Тэтöг мен олөм оз ло.  
Тöдлөмөн некор эг вöчливлы лөкөс;  
Өнi дась сетны тэн лов.  
Бадьлөн кöть векныдöсь корьяс,  
Гез кодь жö кузь сылөн вуж.  
Ловзяс любовь, лөгыс косьмас,—  
Торйöдны некод оз куж.

Ю кöть и паськыд и джуджыд,  
Лөнъ дырйи гыөн оз ворс.  
Ачыс оз чуж ни оз матыстчы шудыд,  
Отув кö сийöс он корсь.  
Видзöдлы мелiа öтчыд  
Ме вылө, кудриа ныв.  
Эз ло мед гажтөм да кöдзыд,  
Сьөлөмсянь шу мен бур кыв.


Вөр кöть и джуджыд и тшöкыд,  
Вөралысь туйысь оз вош.  
Тöда ме: пырны тэн сьөлөмад сьökыд,  
Ачыд кö туйсö он вост.  
Сэтчöдз ме корны ог дугды,  
Нюм тэнад кытчöдз оз пет,  
Кытчöдз тан ставнас оз югды,  
Кытчöдз надежда он сет.

---

## СОДЕРЖАНИЕ

Ленин йылысь . . . . .	3
Веж юрсиа нывка . . . . .	7
Миян туй . . . . .	15
Вой төв . . . . .	17
Асывводз . . . . .	18
Вөрө кая . . . . .	19
Визувт збойджыка, ю . . . . .	20
Олам-вылам . . . . .	21
Збыльмө эскöмыс йöзлөн . . . . .	23
Ленинградын . . . . .	25
Паркын . . . . .	26
Энлы мун . . . . .	28
Гөрд чышьян . . . . .	29
Том машинист . . . . .	31
Муса ныв . . . . .	33
Паш дед . . . . .	35
Менам нывлы . . . . .	38
Мыйла, мыйла . . . . .	39
Паськыд туй . . . . .	40
Шондысь югыд . . . . .	42
Шойччан лун . . . . .	44
Юыс чуклялө . . . . .	45
Челядьдыр . . . . .	46
Тувсов рытö . . . . .	47
Зэр . . . . .	48
Уджлы слава . . . . .	49
Партизан . . . . .	51
Ар . . . . .	53

Выль кӧрт туй дорын . . . . .	54
Зон да дзоридз . . . . .	56
Эн шогсы . . . . .	57
Йӧктӧм . . . . .	58
Ог тӧд . . . . .	59
Кыркӧтш йылын . . . . .	60
Пӧрысьмӧм . . . . .	61
Эн лӧгась . . . . .	62



*ВАСИЛИЙ ВЛАСОВ*

Светлый путь

С Т И Х И

на коми языке

Обложка и титул *В. В. Полякова*

Редактор *С. Морозов*

Техн. редактор *И. Цивунин*

Сдано в набор 14|VI-1958 г. Подписано к печати 22|VIII-1958 г.  
 Формат 70×92<sup>1</sup>/<sub>32</sub>=1,0 бум. лист. 2,34 печ. лист. (Уч.-изд. лист. 1,83.)  
 Тираж 2000. Заказ № 1973. Ц01364.

Коми книжное издательство. Дом печати. Цена 1 р. 50 коп.

г. Сыктывкар, Республиканская типография Полиграфиздата  
 Министерства культуры Коми АССР



1 ш. 50 к.

КОМИ КНИЖНОЙ ИЗДАТЕЛЬСТВО  
1958